




VIRI CLARISSIMI,

SALUBERRIMO Medicorum Parisiensium Ordini placuit olim sui Collegii Constitutiones, Leges, Statuta & Decreta in unum corpus Colligere, Typis mandare, singulisque Doctoribus, recens inauguratis distribuere, ne ab illis discedatur. At, quoniam Codicis hujus præstantissimi nulla prorsus jam à pluribus annis distribuenda nobis supersunt exemplaria, vobis fortasse non erit injucundum, si quædam ex hoc libro deprompta, ad Comitia Facultatis præsertim pertinentia, vestris sub oculis hodiè subjiciamus. Sequuntur itaque



E X C E R P T A,

Ex antiquis Facultatis Medicinæ Statutis.

A R T. XXXIX.

Quilibet eo Ordine sedeat, & sententiam dicat, quo fuerit ad Doctoratum promotus.

Ex appendice ad reformationem Statutorum.

A R T. XXIV.

Doctores ad Facultatis Comitia vocati graviter

A

2

& honestè se gerant, consilia sua de re propositâ tranquillè, placidè, sigillatim & ordine exponant, nec quisquam Collegæ sententiam interrumpat: ab istiusmodi Confessibus procul absint tumultus, injuriæ, probra, jurgia, maledicta.

Ex novis Facultatis Medicina Statutis.

A R T. V I I I.

Doctoribus cum veste talari & Manicatâ, pileo quadrato, humerali coccino & modesto, qualis est Togatorum, colli amictu, interiores inferiorum Scholarum cancelli dumtaxat pateant, atque hoc ornatu, Baccalaureorum Actibus sedentes immorentur, de eorum eruditione judicium laturi, ibidemque in oblato Catalogo datâ subscriptione præsentiae suæ testimonium exhibeant, alioquin si in diebus Actuum extra laudatos Aulæ interioris limites inscribendæ syngraphæ copiam à Bidellis obtinuisse constet, illi jure suffragii priventur, hi verò plectentur pecuniæ summâ ad arbitrium Facaltatis.

X.

In inferioribus quoque Scholis articulus vigesimus - quartus Appendicis reformationi Statutorum additæ accuratè servabitur, neque de Doctoribus quisquam gallico idiomate utatur in disputando, & suo tantum ordine argumenta proponat in respondentem Baccalaureum, nec Collegam suum

loquentem ullatenus interpellat sub multâ privationis juris rotuli, aut alterius multæ infligendæ ad arbitrium Facultatis.

• Ex Decretis Facultatis Saluberrimæ.

Facultas universa legitimè congregata, ut tetram quorundam maledicendi licentiam inposterum coerceret, decrevit postulante M. Claudio ROUSSELET Parisiensi, ut si quis Doctor alteri Doctori injuriam intulerit, aut in eum aliquid contra famam & nominis dignitatem contumeliosius dixerit, feceritve, is è Doctorum catalogo expungatur, omnibusque honoribus, emolumentis, omni denique societatis jure privetur. Decretum in Scholis superioribus, die 31. Augusti 1574. M. Joanne LE CONTE Meldensi, Decano.

Die Sabbati vigesimo-quarto Augusti 1675, Facultas legitimè convocata, ut... quorundam loquacitatem & audaciam comprimeret, voluit, jussitqueulantibus Magistris Joanne-Baptista MOREAU, Censore, & Dionysio PUYLON, ut quicumque turbato in Comitibus ordine tumultuatus fuerit, vel sententiam ferentem interpellaverit, vel ullâ injuriâ Collegam affecerit, modò de re planè constet, summâ quindecim libellarum ex vectigali Facultatis in Sacelli ornamenta impendendâ multetur; qui verò sordidâ prensatione in alterius detrimentum cujuslibet agri curam ambire ausus fuerit, si res plana sit, Scholæ omnibus emolumentis privetur, ac de Doctorum albo expungatur, & ita cum Facultate conclusit, MORAND, Decanus. His præmissis,

P E R J U R A M E N T U M

CONVOCENTUR Doctores Medici omnes , in Scholas Superiores , die Lunæ proximo , horâ *ipsissimâ* decimâ matutinâ , de re gravissimi momenti ad Scholæ dignitatem pertinente , in ultimis , præcedentibusque aliis Comitiiis jam discussâ , ultimò , si fieri possit , componendâ , deliberaturi ; nec non Comitia , *prima mensis* vulgò dicta , celebraturi.
 DATUM Lutetiæ Parisiorum , die Mercurii vigesimo-septimo Novembris , Anno MDCCXLVIII.

J. B. T. MARTINEN^Q, Decanus.